

Headline	Operator air wajib bentang pelan pembangunan fasiliti		
MediaTitle	Berita Harian		
Date	19 Jan 2024	Language	Malay
Circulation	82,252	Readership	246,756
Section	Nasional	Page No	1,8
ArticleSize	998 cm ²	Journalist	Noor Atiqah
PR Value	RM 99,141		



Pelarasan tarif baharu air

Syarikat bekal air wajib bentang pelan pembangunan

Selepas mengumumkan tarif baharu air domestik, Suruhanjaya Perkhidmatan Air Negara (SPAN) semalam mengeluarkan ketetapan mewajibkan syarikat operator air membentangkan pelan pembangunan fasiliti, menyenaraikan projek yang sudah atau akan dilaksana dan melaporkan setiap perbelanjaan bagi menambah baik perkhidmatan itu.

Oleh Noor Atiqah Sulaiman → Nasional 8

Headline	Operator air wajib bentang pelan pembangunan fasiliti		
MediaTitle	Berita Harian	Language	Malay
Date	19 Jan 2024	Readership	246,756
Circulation	82,252	Page No	1,8
Section	Nasional	Journalist	Noor Atiqah
ArticleSize	998 cm ²		
PR Value	RM 99,141		

Pelarasan tarif baharu air

Operator air wajib bentang pelan pembangunan fasiliti

Ketetapan SPAN bolehkan rakyat tahu perancangan, jamin dana diguna dengan efisien

Oleh Noor Atiqah Sulaiman
nooratiqah.sulaiman@bh.com.my

Kuala Lumpur: Syarikat operator perkhidmatan bekalan air kini wajib membentangkan kepada umum pelan pembangunan fasiliti, menyenaraikan secara bertulis setiap projek yang sudah atau akan dilaksanakan serta melaporkan setiap sen dibelanjakan mereka.

Ia ketetapan terbaru dikeluarkan Suruhanjaya Perkhidmatan Air Negara (SPAN), antara lain bagi menjamin dana digunakan dengan efisien, selain membolehkan rakyat tahu apa perancangan operator air dalam memas-

tikan pelanggan mendapat perkhidmatan terbaik.

Perkembangan itu menyusul selepas SPAN kelmarin mengumumkan tarif baharu air domestik di Semenanjung dan Wilayah Persekutuan Labuan bermula 1 Februari ini yang menyaksikan kenaikan purata 22 sen bagi setiap meter padu, iaitu purata jumlah kenaikan bagi setiap 1,000 liter air yang digunakan.

Senarai secara bertulis

Pengerusi SPAN, Charles Santiago, berkata apa-apa program dan perancangan operator air selepas memperoleh tambahan pendapatan berikut pelarasan tarif baharu nanti, semua akan dimuat dalam Facebook atau laman web syarikat terbabit dan juga suruhanjaya berkenaan.

"Orang ramai boleh tengok penggunaan wang itu, adakah wang itu digunakan dengan bagus atau apakah yang sedang operator negeri buat bagi mencapai matlamat mereka," katanya semalam.

Kerajaan perlu selesaikan isu NRW

Kuala Lumpur: Kerajaan perlu menyelesaikan isu pengurusan air tidak berhasil (NRW) kerana itu kerugian terbesar dialami operator di beberapa negeri.

Itu saranan bebas Menteri Alam Sekitar dan Air, Datuk Seri Tuan Ibrahim Tuan Man berhubung penambahbaikan yang boleh dilakukan susulan kenaikan tarif air bulan depan.

Beliau yang juga Timbalan Presiden PAS berkata, air keperluan asas dan mampu mengancam keselamatan negara.

"Sebaiknya perlu tingkatkan kesedaran supaya rakyat tidak lagi melakukan pembaziran," katanya.

Menjelaskan lebih lanjut kepada BH semalam, beliau berkata, SPAN sebelum ini sudah mengadakan pertemuan dengan operator air di setiap negeri bagi memantau semua projek yang akan dilaksanakan untuk meningkatkan kualiti perkhidmatan bekalan air.

"Kita sudah beritahu kepada syarikat operator ini untuk menyenaraikan secara bertulis setiap projek yang sudah atau akan dilaksanakan oleh mereka. Mahlah syarikat operator ini juga perlu melaporkan setiap sen yang digunakan mereka.

"Sebagai contoh, hasil peningkatan tarif air, syarikat operator air mendapat RM50 juta, jadi kita minta mereka senaraikan apa projek yang akan dilaksanakan, bila projek itu akan dilaksanakan dan siapakah kontraktor yang mereka ambil. Semua mereka kena laporkan kepada SPAN," katanya.

Menegaskan kenaikan tarif air adalah pelaburan untuk masa hadapan, sekali gus membolehkan industri bersedia menghadapi sebarang insiden pada bila-bila masa, beliau meninggalkan rakyat memahami keputusan itu adalah untuk kepentingan bersama.

Katanya, kebanyakannya paip di beberapa negeri sudah usang dan perlu ditukar, justeru kenaikan tarif air akan membantu menambah baik fasiliti aset rawatan air, selain persiapan untuk menghadapi krisis perubahan iklim.

Keputusan itu juga, katanya, dibuat susulan permintaan operator air yang ada antara sya-



rikat itu terpaksa berhadapan tunggakan seperti Pengurusan Air Pahang (PAIP) yang menanggung tunggakan kepada Tenaga Nasional Berhad (TNB) sebanyak RM1 bilion kerana kali terakhir tarif air diselaras 42 tahun lalu.

"Sama dengan negeri lain, ada tunggakan kepada TNB, tetapi yang tertinggi tunggakan kepada TNB. Dalam kes PAIP di Pahang, RM1 bilion terlalu besar. Kedua, ada isu berkaitan perubahan iklim, sesiapa pun tak boleh katakan dengan tepat bila akan mengha-

dapi masalah ini," katanya.

Dalam kes paip usang, beliau berkata, struktur di Pahang sudah berusia 40 tahun, manakala Terengganu pula menggunakan paip sama selama 30 tahun.

"Selangor dan Pulau Pinang juga sama seperti tempoh itu. Jadi sebab itu kita minta rakyat faham dan menganggap bahawa peningkatan tarif air ini sebagai satu pelaburan untuk masa hadapan supaya kita dapat sediakan segala keperluan untuk industri ini jika menghadapi sebuah perubahan," katanya.